

罪
惟
錄

罪惟錄列傳卷之八上

啓運諸臣列傳總論

余嘗論漢以後功臣百難往昔有商涇遐不可稽周之黃
鉞本穆考舊德順風而呼况專征否夫畢事後成未辭還
商廷觀兵之日不期而集勢有然也公望雖兵法之祖會當
便利不必盡見其能漢以匹夫上馬三傑而外咸封桓莫
倫七十餘敗之後終賀得鹿智力寧淺鮮哉而明之受命
似漢又百難于漢夫秦方西帝六國心恨歷世未久內變
寔作是故漢之戰秦易而戰楚難明之初造一友諒足以
當楚勢處夾擊與背闕借一者異而元之一統且將百年

上下。骨。分。順。達。大。判。兼。以。邊。馬。內。逐。是。有。兩。中。國。之。長。忠。志。捐。軀。更。有。百。維。城。之。助。勢。詘。於。仰。攻。材。非。由。廝。養。說。士。之。舌。不。工。列。國。之。遺。無。藉。而。八。王。以。徃。鼓。其。策。力。寸。土。尺。地。皆。由。手。辦。雖。將。者。不。止。於。十。萬。然。而。持。戟。而。睨。于。原。者。人。負。鷹。揚。之。略。矣。此。之。謂。征。誅。

啓運諸臣列傳上

徐達

子輝祖
孫欽

徐達字天德，定遠人，生農家，長身高，顴赤色，個儻負大志。元至正癸巳，太祖從郭子興濠梁，籍其鄉壯士七百餘人。太祖第一見達，與語奇之，曰：「此固器也。」已盡上所籍，而獨留達等二十四人，俱南畧定遠。達二十有二，少太祖一歲。預志畧能，微合太祖，居數日，功未及，諸將而位，鎮撫諸將上，衆亦不疑，則嘗密以天命說太祖。太祖心動，從破元滁、州，取和陽，故濠孫德崖強來就食，子興以前都執系德崖，而太祖亦拘留德崖軍，甚迫。達請身代，脫太祖會子興卒，太

祖為大帥，達益重，出邀俞通海等水寨。走元蠻子海牙，渡江，拔采石，與常遇春皆冠軍。而達獨參預進止，既渡江，請斷舟纜，縱下流，但會食搗太平。太平下，逆擊元帥陳瑄，先走之。取溧陽、溧水，斷海牙扼江之援，還擊破海牙，乘勝下集慶路。先是，命將不一，軍或事焚掠。太祖欲重達，叔佯坐，達繼無法，且伏誅。而故令李善長等請力，乃免。子是一軍，驚氣肅，總師鎮江，克之。走苗帥楊完者，戮平章定定，城中晏然。置淮興翼元帥府，以達領之。轉江南行樞密同僉。時周師據常州，誘我叛將陳保二，且窺金陵。達敗之于龍潭，保二初歸黃包頭軍，未歸鎮江。諸將索貨急，乃叛。太祖

以書諭達。士誠起負販，徂詐。宜先發制毘陵，以短其謀。達乃建設三覆，逼常州。周平章士德以萬人來援，兵既交，達別選鐵騎貫中堅，陳亂，士德走。遇覆，生致建康。太祖喜曰：「得是，可以無周百士誠，不以易也。」士德卒，死建康。達圍常州，不克。太祖奪達下一官，而賜書達曰：「霍降陳保，二老師孤城，吾所以重不譽將軍。復益精兵三萬，而新附長吳平七千，叛降周，達被圍牛塘，急，常將軍援至，脫達，夾擊，大破之。攻圍五月，周守將呂珍以飢遁去常州。下取馬狀沙，轉攻寧國，下之。得卒十餘萬人，馬二千匹，獲狗宜，塞太湖，援道。且吳下當是時，太祖以重兵定婺處，併力浙東諸郡。」

命達留守建康。會天完趙普勝陷我池州。復進據樅陽水寨。達選銳鼓之。普勝棄舟去。太祖乃得揣意西向。不及顧。起拜奉國大將軍。同知樞密院事。從取無為州。夜掩浮山寨。乘勝追下替山。還鎮池州。既天完陳友諒陽後安慶。意犯池州。太祖使_之語達。必重覆九華山。掩其後。友諒果恣銳來攻。城中伐鼓應之。常遇春伏發九華山下。斬首萬餘級。降三千人。遇春夜坑其十之九。達不可。聞太祖怒。縱三百人歸。曰。此吾所不一將之過也。自是始命達畫護諸將。漢陳友諒既陷太平。盛兵壓建康。太祖設伏。潰友諒。達時軍南門。功最多。尋與馮國勝等進躡之。數捷。復太平。并

取安慶。走友諒江州。進營漢江之沌口。以禦漢。拜行中書省右丞。時漢平章胡廷瑞以龍興降。裨將祝宇康泰復叛。達方西征武昌。還定之。復擊却漢之陷我江州者。從接安豐。癸卯。友諒悉衆圍洪都。召達自廬州來會。遇漢兵鄱陽湖。達先諸將蕩其前鋒。斬首千五百級。獲其巨艦一。時相持未決。太祖夜出兵符促達還守建康。太祖既破誅友諒。歸丁未。即吳王位。置中書左右相國。正一品。時猶仍元。故尚右。而達為左相國。復從平漢。陳理于武昌。還奉命與右相國李善長。推明律度。稱畫一。取廬州。走左君弼。下安豐。乃徇漢地。湖湘南北之未下者。召還率諸將討周士誠。取

泰州鎮之。分兵徇興化。會周師犯宜興。急以都督馮國勝
代圍高郵。常遇春軍海安。而達旋師。勤宜興。圍解。則國勝
亦下高郵。達進攻淮安。降其守將梅思祖。并下徐宿。乘勢
克元安豐。獲右丞忻都。復破擴廓帖木兒于徐州。俘斬萬
計。淮南北悉平。丙午。議平吳。達曰。張氏慮短而汰深。君其
丞相驕。李伯昇等。酹子如。吳中語曰。黃蔡葉。西風起。乾
焉。以言迂濶。書生三工。迷罔。以寵旦夕。即何能久。臣行馬箠
下之。太祖壯其計。以達為大將軍。遇春副之。率師二十萬。
禡于龍江。自太湖。薄吳興。鏖戰皂林。舊館。語在張士誠傳。
自八月迄十一月。大小數十戰。吳兵力屈。援絕。呂珍以舊

館六萬人降。吳興下進攻平江。時杭州嘉興已盡來附。士
誠益寡援達築長圍十圍之。吳兵數挑戰皆敗去。達使
之建康請事太祖。璽書勞之。示以便。宜。達定松江諸屬邑
皆聞風下。元樞密院莫天祐獨為士誠守無錫。相應援其
部將楊茂善羽。數從水中消息。達邀得厚賞之。以為間。因
畫識城中虛寔。攻益急。凡十閱月。達乃破葑門。入檻士誠。
送建康。城中食寢。立而如故。班師。封信國公。遂議北伐。改
官尚左。相國為左丞相。達為右丞相。拜征鹵大將軍。以鄂
國公副之。諭曰。征伐所以奉天命。平禍亂。安生民。今諸將
非不武鬪。然能持重。師有紀律。戰勝攻取。莫如大將軍達。

大將軍至淮下沂州戮其帥王宣太祖復馳諭大將軍即
何向益都則必率兵扼黃河斷其援即不向益都西取
濟南濟寧便吾現金火二星會于此分須之火逐金諭齊
魯以時進取毋失達乃圍益都降其平章老保狗繼膠壽
光臨淄等諸州邑因兵威諭降樂安淄川守將移兵下東
平進次安山獲元右丞杜天祐等元山東宣慰使普顏不
花捍城力城破達賢而召之不屈死遍濟南走其大帥陳
平章明年戊申與副將軍合取東昌元守臣申榮甫死之
敗元少保也速兵追奔八十餘里藉山東城邑俘獲軍寔
之數以聞時太祖已即大位達燕頌太子少傅授銀青崇

祿大夫上柱國錄軍國重事丞相公少傅如故予誥所以
推揚勲略甚至比之大公鄧禹云○兵至陳橋汴梁守將李
克彛語左君弼公昔與南師角勝今悉麾下授公能一決
乎君弼吃舌曰有相國者善用兵吾反走矣克彛遂開門
北去而君弼竹昌以汴梁降進畧洛陽元將唐同脫因木
兒以兵五萬逆拒洛水之北副將軍突斬其前鋒達麾兵
乘之南風驟發塵起呼聲動天地元兵潰俘斬無算梁王
阿魯溫從吏民出降河南平○遣狗貴陝州西克潼關守
之狗號州毛葫蘆諸寨收其兵帝幸汴梁達自軍謁行在
帝置酒勞之且曰河朔士民恐倒懸以待將軍達曰旦發

矣。臣不難走元主塞外。臣有厚望。使得窮跡之。不為異日
憂。帝不然。曰。世祖之運。凌夷已盡。但因北門。毋事窮兵。克
城之日。慎勿焚掠。元之宗戚。皆善待之。達敬諾。行次河陰。
帝畫陣圖以賜。進取衛輝。彰德。廣平。駐臨清。諸將畢會。遣
叅政傅友德開陸道。通步騎。都督碩時濟河。通舟師。下德
州。取長蘆。滄州。擣直沽。據之。作浮梁。濟師。元丞相也。速不
戰走。次河西務。敗其平章俺克等。與遇春夾河而軍。鹵元
國公卜顏帖木兒等入通州。元都大震。夜三鼓。元主及其
后妃太子開建德門。以車服重寶北去。踰五日。八月辛未。
達進師填濠。登齊化北門。執其監國淮王帖木兒不花。及

太尉左丞相慶童等十餘僇之。封府庫，籍其圖書金玉楮幣，以兵千人守之。使宦者監護其官人妃主，經理城垣，巡邏諸隘口。立燕山六衛，孫兵相總之，以固北平。捷聞，詔達與遇春移定山西。副將軍以兵下保定及河間、真定。右副將軍馮宇、異之，淮慶度太行，取澤潞。大將軍以大兵繼之。右丞顯叅政友德以鐵騎為前鋒，畧平定州而北。元擴廓方自保安謀踰居庸關以撼北平。達謂諸將：「吾北平六衛之師，足以閉關自捍，無慮。吾直搗太原，此孫子故智也。」擴廓急還救，達以副將軍計夜掩其壘，擴廓驚，以十八人遁去。遂入太原，得卒四萬，馬萬匹，乘勝逼大同。擴廓復走耳。

肅。于是顯友德步騎徵破賀宗哲于石州。而大將軍身率
兵自霍下平陽河州。山西悉平。渡河降鄜城。克同州。時奉
元為都督。而鳳翔與鹿臺各宿重兵。為衛達至鹿臺。元將
張思道與脫列伯等先期遁慶陽。達進渡涇渭。遣左丞周
凱入奉元。申約束。秦民大悅。改奉元路為西安府。而副將
軍逼鳳翔。守將李思齊走臨洮。鳳翔下。諸將議所攻。皆以
張思道才不如李思齊。慶陽易于臨洮。請先慶陽。達曰。思
道自守固。城險而兵精。卒未易拔。臨洮北界河湟。西控羌
夷。地富而人衆。疾以大兵蹙之。思齊不走。則降。思齊降。全
陝。我有矣。急渡隴。克秦州。走其將呂德等。抵鞏昌。總帥汪

震真保降。乃遣為將軍。以天策羽林諸衛驍騎逼臨洮。思齊不戰降。得其衆十餘萬。進攻靖寧。走知院杜伯。卜哈度六盤山。襲走元豫王。盡獲其部落輜重。使上諭慶陽。思道果懼。囑其弟良臣留守。而身從輕騎。逃之寧夏。為擴廓兵所執。良臣聞之。遽使上納款。先是帝手詔張思道兄弟。譖詐若其未歸。宜善防之。至是。遣右丞顯率萬人受降。良臣果疑。以兵來者。豈其捕誅我。乃佯為蒲伏道左。獻牛酒。而夜襲顯。上被傷。走達怒。悉軍圍慶陽。盡麾壯士。盡捕斬其伏聽。及請援者。至採汲皆斫。良臣計竭。登城請降。不許。其平章姚暉開門納降。良臣父子自投井。出而斬之。陝西。

悉平詔還京宴功臣。達坐上坐。帝稱其震揚國威。無綏得
辭。且大論封會。擴廓伺達還。志兵襲我蘭州。時副將軍遇
春已卒。帝乃還達大將軍印。以平章政事李文忠為副將
軍。分兵為二。達自潼關出西道。搗定西。隔深溝而壘。擴廓
以精兵間道潛劫東南壘。胡德濟一軍驚幾敗。達身擊之。
德濟故越公大海子也。達械送京師。而斬其部下指揮
數人。以殉。明日奪溝。大破之。獲元郊王濟王。關國公平章
札兒。虎林赤等。文武僚屬千八百六十餘人。士卒八萬四
千五百餘人。馬萬五千三百匹。擴廓乃與其妻從十餘騎
遁去。阻黃河。得浮木以濟。由寧夏奔和林。達使節將軍回

兵威。脇降。西蕃。而大軍攻吳元。復取之。會李平章亦克鷹。嘗先後露布。聞授。達開國輔運推誠宣力武臣。特進光祿大夫。左柱國。太傅。中書右丞相。祭軍國事。進爵魏國公。歲祿五千石。予誥券。免三死。子免二死。仍世。世弗絕。是歲。辭判省事。石丞相汪廣洋代之。明年。復佩大將軍印。鎮北平。以便宣徙山後。順寧等處軍民戶三萬五千八百口。一十九萬七千餘。籍為軍者。給月廩。為民者。給牛以耕。凡置屯二百五十四。定墾田一千三百四十三頃。北平軍府之用。皆賴之。受詔還京。宴射為樂。賜交趾弓五十。彤弓十。達受賜。曰。帝不忘殘胡。美自日。果以擴廓未死。命大將軍出中路。

左副將軍文忠出東路，征西將軍勝出西路，各將五萬騎出塞。達以都督藍玉為前鋒，敗擴廓游騎于野馬川，復敗之土刺河。擴廓走賀正哲嶺北，合兵拒我師。時師數發，猥忽易鹵，戰不利，死者萬餘人。達固壘而收之，碩徹侯功臣無死者，鹵亦不敢入塞。時諸將軍賞皆不行，帝以達功大弗問也。自是達歲出鎮北平，鹵憚希復犯。十四年，故元平章乃兒不花出復寇，達仍以大將軍出征。右副將軍友德輕騎襲仄山，克之，盡獲其部落人畜。西平侯沐英等獲全寧四部以歸，渡鎮北平，召還，賜休沐宴，見歡飲若兄弟。而達愈恭謹，帝從容謂魏國功大，未有寧止，欲以舊邸賜

之達因謝乃殭醉達酒昇卧卽止寢達寤驚蒲伏呼死罪
帝益悅則另治甲第表其坊曰大功長女尚燕王帝愛
子也有三子皆達女出親為王舅與天子夷輩然見王必
執臣礼勿間王常得其用兵法所練士皆選大率多為靖
難之材左丞相胡惟庸貪而貪嘗內好達曰不答復賂達
間者福壽使為間以圖達福壽發之達隱之不問則間綏
頰為上言惟庸不可過任惟庸敗上以是益重達十七年
太陰數犯上將帝惡之冬達疽發背召還金陵上為禱於
山川社稷之神願假大將軍息數歲以寧百姓至云願與
同歸竟不起年五十有四上既奔達寢撫屍而慟為輟朝

贈中山王。謚武寧。追封三代。皆為王。而手書其混一區夏。
莫安神人之功於墓道。且曰：王婦女無所愛，財寶無所取。
忠志無疵。光昭天日。自達卒。上所授大將軍印，獨宋國馮
勝、涼國藍玉、潁川傅友德三人。而恩遇咸不如達。慮精
而言簡。令出不二。諸將奉之若神明。而善撫循其下。同其
苦。以恩結降人。為我用。歸朝。上符印單車垂橐。以還。邸舍
親禮儒生。樂聞經術古事。功臣廟典太廟。配享位皆第一。
達子四。輝祖。添福。增壽。膺緒。添福蚤卒。輝祖初名允恭。白
皙秀眉。目長身。頽盼有威神。洪武二十一年。嗣爵魏國公。
賜第鳳陽。以皇太孫。嫌名。賜今名。時諸將皆老。特以材品。

頗見信用。數出練兵諸省。降將阿魯帖木兒隸燕府。有異志。密奉詔與王合策捕誅之。還領中府。同禮部翰林官甄別國子師生。送吏部。侍詔。文皇太子講讀。通經史。學書于詹希原。提督武學。與駙馬都尉梅殷。校戈講藝。一時風動。建文中。兼太子太傅。時諸藩強盛。議削奪。輝祖以預謀進止。初。高皇遺詔諸王各臨本國。獨燕王不從。入臨。至淮。輝祖特奉勅阻歸。明年。小祥。王入朝。行皇道被劾。不問。詔留世子兩郡。王不遣。王固請。召輝祖及弟增壽議之。輝祖堅執。不可遣。且密奏高煦。好勇無賴。不忠。為他日患。請收之。而增壽以百口保之。獲免。已高煦竊輝祖善馬。逃之。曰。輝

祖。遽。以。聞。請。追。之。增。壽。又。與。駙。馬。王。寧。力。為。庇。并。世。子。及。高。燧。咸。遣。歸。燕。謀。起。兵。數。請。間。于。輝。祖。輝。祖。不。奪。及。北。禦。嘗。援。何。福。于。齊。眉。山。斬。燕。驍。將。千。戶。李。斌。等。燕。師。退。自。保。會。有。言。輝。祖。以。王。故。戰。不。力。亟。召。還。由。是。諸。將。咸。戰。敗。增。壽。內。應。燕。兵。數。渡。江。輝。祖。猶。與。開。國。常。景。分。道。出。戰。甚。力。衆。潰。不。可。支。燕。王。入。城。獨。守。宗。廟。不。肯。迎。王。既。即。位。廷。臣。論。勅。令。自。陳。狀。輝。祖。振。筆。直。書。中。山。王。開。國。功。子。孫。免。死。上。之。文。皇。大。怒。欲。與。齊。黃。輩。並。誅。久。念。中。山。功。奪。爵。錮。私。第。尋。下。獄。五。年。卒。或。曰。勒。自。裁。十。八。年。以。后。恩。召。其。長。子。釋。伽。保。賜。名。欽。襲。爵。盡。還。券。誥。明。年。來。朝。乞。守。父。墓。不。待。

命去上恨之復削爵徙鳳陽洪熙中復爵尋卒子顯守嗣
無子弟承宗嗣屢領軍府提督南京守備加太子太傅矜
嚴有威練達政体卒子備嗣凡再督南京守備持重善為
容士民亟稱之加太子太傅卒贈太傅謚莊靖長子奎璧
未嗣奎璧子鵬舉嗣鵬舉之生也備夢宋鄂岳飛入其室
故名温厚稱長者凡三領軍府督守備加太子太保已而
立其妻為夫人欲以其子邦寧為嫡事格不行立其庶長
子邦瑞為嗣凡五十二年以病辭自顯宗嗣而高祖孝陵
在留京者以懿戚世七奉祀太宗初即位以一中牢告中
山王其後因之增壽以父任三遷至左軍左都督待宿衛

建文初業已預燕王陰事、燕王故時、從增壽所詞虛寔、
增壽亦時、從王所輸、上未及問、而燕師從金川門入、立
召增壽詰之、不能對、上親揮劍腰斬之、燕王入、撫屍而哭、
既即位、贈武陽侯、加贈定國公、子景昌嗣、歲祿二千五百
石、久之、領軍府卒、子顯忠嗣、卒、子永寧幼、又七年而嗣疾
失心、予半榘、罷朝請、病二十六年、卒、子光祚嗣、久之、領軍
府、以神宗東宮舊息、超進太傅、旋以監脩武庫、二朝宴錄、
成、累加太師、兼太子太師、卒、子延德嗣、領軍府、四十五年、
卒、子文璧嗣、領軍府、加太保、太傅、嘉靖中、詔裁恩澤、世封
而魏定二公、皆自以功、弗奪、有言史公功不稱者、卒弗奪

也。天下僅五公存。連後君二焉。幼子膺緒。初為尚室。卿歷遷中軍都督僉事。奉朝請。求樂中。以元舅見尊寵。洪熙初。拜其子景珩中軍都督僉事。景璿金吾前衛指揮僉事。其二女皆為王妃。弘光初。追贈輝祖太師。謚忠貞。

論曰。中山之遇太祖。總二十二耳。未有智計過人。足自絕。輒許國器。而位諸將上。諸將亦願下。達不疑。卒能滌盪南北。抗功名第一。于初見教語。良不負。太祖知人。拔世皆知劉青田。陶當奎。嘗密陳天命。而不知中山之微合。太祖誠以王佐自命也矣。恭謹卒無過。為用兵所最難。雖廟畫至精。而神明其用。必無已成。復敗。煩再舉者。

震揚國威。撫綏得體。此二語良不誣也。且其所以處左
丞。惟庸大過。李韓國絕通好。不入其所。笑頽能隱之。不
發。緩頰言上。卒免古劍玉壺之疑。居功之美。直追古元
公矣。至于論元君北去。曰。不窮追。必為後日憂。而太祖
不許。似不及達一籌。頽太祖慮中原初定。倘頽刃塞外
無以百全。而達知兵。乘勝摧拉。其勢易于他日。數倍未
幾。帝命一再出塞。不皆全捷。則誠職此之故。觀嶺北不
利。死者萬人。帝不罪達。誠內念不任。達初策。非曲貸。達
也。身初造。而子再造。其所以固大命者。達家獨多。帝骨
肉之故。因以成王骨肉之故。達再世忠孝。節義諸子女。

器○之○遺○烈○也○
兄○弟○以○照○耀○千○古○不○衰○卒○之○而○崇○封○與○國○終○始○曰○此○國○

公○失○至○子○論○无○若○比○去○曰○不○罪○追○而○為○遠○
 不○許○何○不○及○建○一○壽○極○太○祖○墓○中○原○初○定○備○
 無○以○百○金○而○建○如○女○家○族○播○其○其○如○此○曰○
 知○命○一○再○出○塞○不○知○金○旋○則○或○或○此○
 姓○死○者○人○命○不○罪○道○誠○內○念○不○無○建○初○
 壽○上○盡○願○也○再○出○其○所以○回○大○命○者○是○則○
 心○常○心○願○雖○古○不○衰○卒○上○面○紫○桂○與○國○
 國○無○恨○曰○地○圖

常遇春子昇
趙諒

常遇春字伯仁，懷遠人。長身白皙，膽力絕，猿臂善射，從群盜劉聚，好鹵掠，心輕之。屬太祖駐兵和州，偕其私卒數十人來歸，卧道傍，夢神人金甲擁盾呼曰：起起而公來。而太祖騎從至，驚寤。前伏謁，居兩月，無所見，自請為先鋒。太祖曰：爾機來，乃有故主在矣。遇春頓首曰：臣死不從劉聚為諸兒。太祖故弗許，曰：即渡江有太平，而後臣我及兵抵牛渚，元兵陣磯上，舟相去三丈許，矢必接，莫敢登。太祖麾遇春前，應聲接敵，戈躍而上，敵為披靡。采石軍皆潰，乘勝取太平。始授總管府先鋒，進總管。時元將董子海牙擁舟

師數萬，襲據采石，斷滁和問。太祖使張疑兵，分其應。親帥正兵，搗之。陳既合，遇春猝橫，冒海牙舟，上分為三。左右縱擊，大破之。自是元師不敢犯江，而南北通。丙申，從取元集慶路。再從徐達，取鎮江。援達牛塘，再捷。進總軍。大元帥丁酉，克常州。尋從下寧國，取馬駝沙，下池州。戰功最，歷行中書省都督。馬步水軍大元帥。時池州羅友賢，初以衆納款。復叛，據神山寨。遇春破斬之。從太祖取婺州，攻下衢州。降元院判張斌，進僉樞密院事。攻杭州，不利。召還。從徐達，援安慶。帝令設伏九華山，大破天完師，降其卒三千人。遇春曰：「不盡是不威。」達曰：「虐降未武也。」以狀聞。太祖報使者天

下戰方始。宜善所來之。則遇春已坑其十之九。于是縱三百人歸。而一將權于連。已漢交諒。大寇龍灣。太祖設奇。大破之。遇春功最。太祖追漢友諒于江州。遇春留守。用法嚴。軍民歛肅。辛丑。進行省。參知政事。漢後太祖。盛交諒于安慶。取江州。還督龍灣師。解長興之圍。城安慶。太祖所任將帥最著者。平章即榮。右丞徐達。與遇春而三。榮最為宿舊。善戰。既貴。益驕。謀異。伏甲而劫太祖。事覺。太祖猶語諸將。吾曲。不欲殺榮。衆唯諾。遇春直前曰。人臣以死名。遇春諷。不與俱生。太祖乃飲榮酒。酒涕而傷之。以是心益受重。遇春癸卯。周呂珍圍宋。劉福通于安豐。城破。斬福通。連營。

水陸衆二十萬。我汪元帥為先鋒，拔其中壘而據之。會左
右軍敗，中壘軍阻塹，不得出，則殊死鬪。遇春以精騎突其
脅，凡三合，三勝。中壘軍完，遂逼安豐。從右丞達逆擊其援
元將左君弼，破之。移薄廬州。而漢友諒傾其國兵，號六十
萬，東爭南昌。太祖趨解廬州之師以應。遇漢兵鄱陽之康
郎，漢太尉張定邊盪前，犯太祖舟。上通膠淞，事迫。遇春奮
射，射定邊中，之稍解去。明日，從火焚漢舟數十里，連戰三
日。友諒之卒死者过半，而我兵所亡失亦不少。諸將氣稍
奪，欲縱友諒去。遇春獨不言。太祖悟，乃移舟扼江上流。凡
旬五日，友諒中流矢死。策勲以遇春及廖永忠俞通海為

最丁未太祖即吳王位。淩從王討漢陳理于武昌。圍甫合。其丞相弟張必先將驍騎自岳來援。遇春以五千騎逆擊。破擒之。理窘。開門降。進遇春中書平章政事。尋從徐達取廬州。始別將兵畧定臨江之沙坑等寨。遂定贛州。漢將熊天瑞降。下南安、雒、韶州諸路。師還。取安陸、襄陽。丙午。淩從徐達克泰州。尋克高郵。狗淮安徐宿安豐。悉下之。廷議平吳。遇春奮袂曰。臣聞逐梟者必覆其巢。去鼠者必燻其穴。吾便一蹴姑蘇。即何煩他兵。王曰。吾意剪其羽翼。先吳與遇春張目。執前議。上曰。收吳與不克。吾任之。失利姑蘇。問軍政矣。遂副大將達趨吳與。凡數捷。飛車戰艦。高與睥睨。

齊吳右丞張天麒出三路逆我師術者誠此日忌兵遇春
按劍謾罵曰西軍相撞卜吉卦奮攻其南路拔之士誠乃
掃境內之兵來援築壘奮館壓我師之背遇春率奇兵營
東所却壓其背絕吳餉道突划船數百擒吳將徐志堅于
東阡復襲破援兵赤龍舡于烏鎮再戰追至昇山奮館之
師降者六萬而湖州下進圍平江激駭將王弼厄士誠沙
盆潭凡十閱月遇春破閭門縛士誠以歸時李善長徐達
已為左右相國不能復置相乃以遇春為平章軍國重事
進封鄂國公祿秩與相國等旋議北伐遇春請直搗元都
執孱主以臨天下王曰壯哉而昔所畫下平江策也吾欲

先取青兗及豫。撤其屏。拔潼關而守之。天下形勢在我。燕
不戰屈也。乃以遇春為征鹵副將軍。與大將軍達率步騎
二十五萬。王親禡于龍江。告諭諸將。當百萬之衆。推鋒陷
陣。所向披靡。無如副將軍遇春。吾欲重遇春。前在武昌。常
以身赴數騎。輕非所望于副將軍。戊申。吳王即皇帝位。進
遇春銀青榮祿大夫。上柱國。領太子少保。遂與大將軍畧
定山東諸郡。破汴梁。走其帥李景昌。進攻河南。元脫目帖
木兒將兵五萬。陣洛水之北。遇春單騎乘其陣。敵以驍二
十騎併遇春。遇春發一矢。洞前騎。大呼入。盡殺二十騎。敵
大潰。河南下。帝為幸汴梁。勞之。去。與大將軍再定河北。進

逼大都元主北走移兵狗太原元太傅河南王擴廓帖木
兒自保安還師來援遇春語大將軍我士卒未集敵鋒銳
勿與正決不如夜劫之會元部將豁鼻馬叛擴廓來降請
內應因嘶放乘月馳襲之擴廓方高燭擁坐于自幕畫
猝驚不知所為跌一足奪驛馬以十八人走大同太原下
改遇春為左副將軍居右副將軍馮宗異上出塞取大同
轉狗河東西渡關下奉元路遂與宗異合西逼鳳翔其平
章李思齊率所部十餘萬奔臨兆鳳翔下會元主在開平
令丞相也達以兵深入寇通州詔遇春東馳故元都部署
將士以浙江行省平章李文忠副之遂出三河敗其將江

文清于錦州次全寧與也速遇。沒敗之。進大興州。分千騎
為八覆。徼大興歸。卒復大敗之。擒元丞相脫火赤。遂薄開
平。元主前走。追北數百里。俘其宗王慶生。平章昂。住等。斬
之。凡得將士萬人。子女貨寶稱是。師還。次柳河川。得疾。卒。
年僅四十。上震悼。親出奠龍江。為文叙其功。甚詳。已大慟。
始命有司制。聞大臣計。用宋太守為韓王。趙普舉哀。禮。捧
葬鍾山之陰。明器易靈。凡九十。皆官給。特贈翊運。推誠。宣
德。靖。遠。功臣。開府儀同三司。上柱國。太保。中書右丞相。追
封開平王。謚忠武。沒。推恩。王。其三代。皆賜謚。長女許為王
太子妃。明年。論功。賜金帛。與大將軍等。予誥券。配享廟廷。

及祠功臣廟。皆次大將軍。為第二。遇春為人沈鷙果毅。撫
士卒與同甘苦。故皆樂為用。出則摧鋒。退則殿後。未嘗敗
北。雖不習書史。而用兵決勝。與古人合。年長于大將軍二
歲。數從征伐。奉節制。進止赴期。不敢爽毫髮。大將軍雅亦
敬愛之。終始無少間。及秉鉞專征。又能節制將較。所向克
捷。獨性稍好殺。而淫。以此不能比大將軍。子三茂。昇。森。茂
弱。冠襲父封。改鄭國公。從婦翁宋國馮勝北征。納哈出。茂
素貴驕。不練事。念諸徹侯位其下。皆得有偏裨任。茂獨不
得。徧裨任。邑。不樂。宋國見子畜之。會納哈出請降。石副
將軍藍玉往迎之。讓酒與衣。未決。茂輒前搏納哈出。驚。久

之降勝乃訟茂幾激變用以自功詔即軍械至京茂亦列
上勝負淫諸不法帝乃收宋國公大將軍印謫茂龍州土
官趙貼聖慕茂家世納一女茂為妾茂欲繼妾母王擅州
事嗣與他土彘爭為所發茂聞之自鴆死帝以定不死大
發兵窮索茂不可得茂弟昇以二十二年改封開國公加
太子太保建文中頗用事忠謹能盡職以抗燕師得罪燕
王安置雲南之臨安洪熙初召賜鈔幣尋遣還開平王長
女為皇太子妃實生讓皇帝昇又在事無二心故終不得
復封久之卒子繼祖生寧寧生復弘治中錄六王浚得拜
南京錦衣指揮使四傳玄振嘉靖中繼絕世封懷遠侯號

為開國輔運推誠宣力武臣階特進榮祿大夫勲柱國歲
祿千石趙諒者鄂國公外孫其母與孝康皇后兄弟也建
文中以右衛指揮僉事往奉密命往來諸軍中燕即位
生廢死

論曰劉聚豈能有開平哉非金甲起一忠武故自仗策
和陽麾下也太祖厲其鋒固不納于是牛渚為第一捷
而開平分數已次大將軍達曰達副虐降九華時碩未一
將權于達也達以聞而開平不恨達帝又善其鋒弗罪
知帝之用開平有權焉于是出必副大將軍廟筭不自
制開平以武寧制開平而卒奉節制進退赴期會不爽

知武寧之于開平，亦有權以善之矣。策平吳與北伐，氣可立碎，諸聖而同于故林，兒一往不返之計，太祖所以諄、副將軍勿輕也。古直走魏都，亂其內，頽耳敵于所必救，所以勇敢，所以一敵，所以繕敵，糞而不收，此倖道也。何如得寸得尺，積不拔，以幾之哉？子昇抗燕，與中山之子輝祖比烈，茂即不令去，增壽遠矣。按逆臣錄，謂藍玉死，昇以玉其甥，故約金寧侯孫恪，弄兵報復，罪死。未常及抗燕，安置雲南事，而後懷遠侯延齡疏稱昇子繼祖安寘雲南，則抗燕係繼祖所為無疑。或云茂為他土，莫所許，方有與出，有一客突犯道，出片紙懷中，賜死詔也。

李文忠

李文忠字思本泗之盱眙人父隴西恭獻王貞母曹國公主太祖長姊也貞世農家著醇謹公主歸之生文忠小字保兒甫十二而公主薨時淮南北盜起貞携保兒東西走鋒鏑幾蹈不能活太祖起兵滁陽甲午來歸時太祖出人力所徙材少年皆賜姓以為兒得保兒更喜且志使從從子文正行名朱文忠受書外傳間習兵法上嘗出其所著撰傳示幕僚曰即以文忠應太平對策吾家卿士才顧無賴此時丁酉年十九以舍人從軍策應池州破天完陳友諒驍勇冠諸軍隨取青陽石埭旌德諸縣敗元樞密阿魯

灰于淳安。復敗苗軍于於潛。昌化時伍士多飽而淫。文忠夜獨起潛。盡殺所獲婦女。而焚其輜重。明日諭軍中公且戰。力吾當為公更作家象。警奉法。襲破元洪元帥營。降其象千餘。取嚴州。超帳前總制親兵左副都指揮。兼領元帥府事。鎮之。周士誠水陸數萬。奄至文忠。一戰敗其陸軍。浮所馘中流。警其水軍。水軍亦夜遁去。已亥。進克周諸暨。義門鄭氏君山谷。扶寧其家。會苗帥楊完者為士誠所殺。其料秦不花。蔣英等以三萬餘人赴款。文忠奉命撫之。敗周兵于碧溪塢。又敗之胥口。遣將克分水。陞同僉行樞密院事。辛丑。援廣信。鹵漢將李明道。因間王溥。以漢建昌降。代

參政胡大海分省事金華。壬寅，故降苗蔣英等反金華，賊殺大海。文忠疾，以兵馳赴蘭溪，賊南走。金華定，而降苗李佑之等亦反慶州，耿再成遇害。文忠令屯兵縉雲，遏其侵軼。慶州亦旋定。進浙江行省左丞。總嚴衢信處各衛軍，開省嚴州。而周士誠乘間以兵十萬困謝再興于諸全。文忠顧嚴卒寡，且急桐廬衝，不足援。暗檄信州胡德濟使東，而詭流榜義烏之古樸嶺，曰：「平章邵榮兵五萬定慶州，還右丞徐達亦五萬出徽州。」尅日會諸全壁。周將呂珍果驚謀，退營五里。德濟曰：「賊虛可仆也。」夜半篝火，開門突金鼓，敵陳亂，追擊大敗之。爭渡溺死，無算。癸卯，諸全叛，引周師寇

東陽文忠既嚴堵五指山、而自以精兵、日馳一百六十里、大敗之于義烏。是時文忠處兩反側間、又嚴巨敵、數殊戰、最繁難、而繕甲練兵、示以鎮靜、屹不動。太相無東顧憂、既失諸全、用胡深議、築戍五指山下、誦新城為固。尋吳司徒李明昇以兵十六萬圍城、不克去。乙巳、復以二十萬來攻、而別兵趨釣臺、抗嚴州、以分新城之勢。文忠既分遣別路、出江浦為聲援、而舟師過釣臺、先鋒謝佑遇伏、敗衆遂懼。文忠意氣舒詳、自率朱亮相等赴援、德濟新城去十里、壁龍潭。議者欲小避敵銳、俟大軍。文忠曰、兵以無形震、苟一頃不可復矣。更約誓其軍、且曰、吾以整乘其囂、無不下質。

仗山積、爾有也。不如令視軍法。時天方重霧、忽開朗、詭下。令此時出戰。言麾軍前、而文忠別以鉄騎數十、乘高下出。敵後抵中堅、左右所向草靡、敵自蹂。我兵盡合、則動地呼。斬首數萬級、溪水盡赤。俘七百餘人、委棄亘數十里。進右丞。丙午、總水陸師下吳江浙、克桐廬、富陽、新城、叛將謝再興、五子、閉餘杭、固守、合圍一夕下之。吳潘原明乃遣其屬方彛、以杭州請款。文忠曰、兵未交而遽請、即無他。且緩我。彛內作文忠、故示不疑。引彛入卧内、進酒歡如平生。便授約束。旦日、原明意決、封府庫、奉圖籍、執叛將蔣英等出降。乃以女樂導文忠入。文忠麾却之。令曰、擅入民舍、殊死。

一卒乞民釜為爨。立磔以狗。即加榮祿大夫行省平章政事。復李姓。請減杭田租。增額從之。洪武元年戊申。推恩封父貞思親侯。帝念曹國公主薨久。獨貞在。宴見。不以時。每有征行。輒令守宮省。時元將陳友定故部金子陵叛。陷將樂。文忠奉命討平之。還為偏將軍。副開平王遇春北伐。由遵化渡鹿兒嶺。連勝進薄上都。克之。走元主。獲其士馬萬計。語在開平王傳。開平王卒于軍。詔文忠代之。西與大將軍合攻慶陽。半道聞慶陽下。而元東攻大同。急文忠欲使宜東接。或以未奉明詔。文忠按劍叱曰。大將專閫外。而抗令者斬。遂出雁門。次馬邑。敗其邏騎數千。擒元平章劉帖

本進次白楊。再捷時，天雨雪，引數騎入峴山，伏而前軍去。鹵五十里而營，文忠驚馳，令移壁前五里，阻水盛為備。元將脫列伯果夜啣枚突壁，堅不可動。質明，鹵益大至，文忠計以二營委鹵，俾死決自辰至申，度其饑疲，更出精兵左右翼，親為前鋒，冒之斬首鹵萬餘人，縛脫列伯歸。窮追至薜哥倉而還，論功當大將軍之半。三年，進征鹵左副將軍，與大將軍分道北伐。文忠以十萬人出野狐嶺，至察罕腦兒，擒其平章祝貞，敗太尉蠻子。平章沙不兒、朶兒只八刺進次開平，獲平章上都罕。時順帝已殂，應昌太子愛猷識里達臘自立。文忠兼程進，盡殺其候騎，猝圍應昌。一日

拔之太子走獲太子子買的里八剌及后妃宮人暨諸王
省院達官將吏等駝馬牛羊無算并獲宋元玉璽金室十
五玉冊二鎮圭大圭玉帶玉斧各一選精騎窮追至北慶
州不及而還道興州鹵江唐二國公降其兵民三萬七千
至虹螺山降楊思祖兵民萬六千班師表平沙漠大封功
臣授開國輔運推誠宣力武臣特進榮祿大夫右柱國大
都督府左都督曹國公同知軍國事食祿三千石與券尋
領都督府事父貞推恩特進祿公四年鎮撫成都還凌以
征鹵前將軍並大將軍北伐總東道搗應昌進可溫河至
哈刺莽來鹵先遁文忠曰千里襲人若負重遲而露不得

戰。遂。留。輜。重。驢。駒。河。而。人。持。二。十。日。乾。糗。蕪。程。進。至。土。刺。河。元。太。師。哈。刺。張。索。子。遣。妻。子。北。去。悉。衆。渡。河。嚴。騎。以。待。兵。接。文。忠。戰。小。怯。坐。馬。中。流。矢。逆。走。則。棄。馬。短。兵。步。撞。從。者。劉。義。以。身。前。突。為。衛。指。揮。李。榮。脫。所。乘。馬。乘。文。忠。而。身。奮。奪。坐。鹵。馬。左。右。文。忠。得。馳。麾。兵。殊。死。戰。鹵。敗。北。躡。弱。海。已。而。敵。益。至。遂。壁。險。示。弱。以。嘗。鹵。散。牛。馬。于。野。多。設。火。為。疑。兵。敵。果。惑。稍。引。去。得。解。還。失。故。道。軍。中。乏。水。多。渴。死。大。窘。文。忠。出。哥。兒。麻。思。尋。水。脉。不。得。忽。所。坐。馬。地。坎。坎。尺。咫。有。水。爭。濟。之。得。泉。以。活。軍。以。為。神。是。役。號。為。全。軍。而。所。失。多。不。足。償。顧。大。將。軍。之。出。中。路。者。竟。敗。賞。不。行。

癸丑、渡與大將軍行邊、屯朔州、明年、總兵北伐、駐代、遣將
分道出捕鹵、俘其平章陳安禮于三不刺、斬知院珍珠驢
于順寧、又破大寧、鴻州、斬其守王朵、失理、至鄂州、追斬
魯王、鹵益遠避、丁巳、還、視師鳳陽、明年、父貞薨、贈隴西王
己未、理軍洮河、岷、鞏、置洮州衛、召還、與李善長、通知中書
省、大都督府、御史臺事、又詔大事皆取裁、二公、尋、中書省
革、文忠特參軍國大計、幾如大將軍、兼、領國子監事、文忠
與大將軍皆折節經義、進儒生講說、彬曰、文忠尤歸文采
嘗以門下客言勸帝少誅戮、毋太盛宦者、視天子不近刑
人之義、胡惟庸之死、或謂且通日本、帝欲興師海外、文忠

又諫。帝曰：「此儒生家言，安得出卿口？」使人盡殺其客。以是忤旨，病悸不治。上幸其第撫之。癸亥三月卒，年四十有六。贈岐陽王。謚武靖。侑享太廟。文忠器識沈隱，莫測其際。臨陳，蹈勵峻蕤，遇大敵，胆氣益壯，好學，飾行，釋兵，家居彬彬。若儒者，嘗師金華范祖幹、胡翰，講明性理之學，詩詞皆壯偉可觀。而用兵嘗以所從客李普、溫策、取勝。有三子：景隆、增枝、芳英。景隆襲爵，予誥有云：「姊子李文忠，非智非謙，幾累社稷，爾慎鑒前轍，永服朕訓，蓋疑景隆之異日者深也。」建文中，增枝以功積遷至心都督府，弟芳英亦積功，初為中都留守，晉都督同知。永樂二年，景隆坐罪，連增枝。

並繫獲免。景隆字九江，載叛逆目錄中。少奉父教，嘗與天台方孝孺、林右革交，多習典故，好談兵。既襲爵，分鎮要害，掌左軍都督府，加太子太傅。建文中，進太子太師，益以肺腑見親任。時朝廷謀弱同姓，且及燕，而燕兵起，長興、侯耿炳文、武定侯郭英等前後北征，大敗。兵部尚書齊泰、太常寺卿黃子澄才景隆而薦之，詔景隆為征鹵將軍，總師北伐。用裴度故事，天子為推輪，親送江許，得便宜誅賞。時諸宿將鮮存者，雖存亦以老。又皆諸父行，快也，不肯為之下。而景隆暴得意，自尊大，每升帳，踞高坐，毋敢與抗。禮會兵五十萬於德州，乘燕王北出，攻大寧，進薄北平，築壘九門。

燕王還師自救景隆逆戰大敗死者十餘萬明日九門師
皆潰死者復萬數再戰鄭村壩皆敗匿不聞燕王復攻大
同景隆引兵出紫荆關時寒甚士卒墮指者十二三乃移書
燕請罷兵王報書策其五敗明年聚兵號百萬壁德州郭
英吳傑等營真定逼北平又敗退戰白溝河復連敗殺溺
及見俘者餘三十萬景隆奔濟南燕師來追復大敗死者
二萬餘濟南見圍以參政鐵鉉堅守不下初秦子澄猶以
景隆權尚輕特賜黃金蓋形弓矢使者渡江風失之復
製以賜而景隆敗問至矣召還子澄慚憤陛見慟哭請誅
景隆以謝天下不問又二載師屢覆燕兵渡江駐龍潭讓

皇帝乃使景隆同尚書茹瑺都督王佐並詣燕師講割地
王咲曰吾張不割吾地也不許於是景隆等蒲伏密輸款
歸佐谷王守金山門燕兵至開門迎之王即位以景隆獻
門功改號奉天靖難增祿一千石改脩高廟實錄為監脩
總裁諸功賞大興革猶以班首主議天子外示崇重而心
恨之永樂二年周王嘗發其建文時在邸即訊受賂事于
是刑部都察院大理寺雜論曹國公包藏禍心蓄養亡命
與弟左都督增枝謀不軌而太子太傅成國公朱能吏部
尚書蹇義等及六科都給事張信等已復言之盡削其勲
階官號絕朝請勒歸私第猶以長公主故不奪其爵亡何

文武群臣復言調事者至其家景隆猶坐受聞人伏謁如
君臣禮大不道因并株及左都督增枝同繫私第盡沒其
莊田賈貨圖籍臧獲入官而所繫皆親屬矣嘗絕其食自
曰不死始稍給之食未幾景隆餓以死而增枝存初相
者語景隆腰背厚重公輔不必言面如桃花當以凍餓死
已而果然正統中恩例所繫聽自便玄孫璿為南京錦衣
衛指揮使傳孫性嘉靖中繼絕例封性臨淮侯勲躋階祿
視懷遠侯無子叔父沂嗣子庭竹數掌營府兼漕事卒子
言恭好文學

論曰岐陽豈真漢李廣之苗裔歟乃胆智絕若一人也

倘岐陽應太平對策。不過如吳伯宗出身第一備咨問而已。豈能蹈厲峻蕤。器識沉閑。如以折節經義。從范祖幹。胡翰之說。用兵取勝。從李普溫之說。文武為憲。古吉甫不是遇也。諫興師日本。帝曰。此儒生家言。然則所為文武無二道。帝自食其言。哉。賜姓託至戚肺腑。參軍國。樊如大將軍。而獨兼領國子監。猶以其介冑。恂。若儒者。不惡其為文也。至于予。詰景隆。稱文忠。非智非謙。幾累社稷。無所指。則誠為惟庸所連耳。若九江果累社稷。廢一以興一。使非太祖家事。隴西坐其孫。以不祀。豈岐陽有子哉。卒之繫私室。飢以死。社稷存而徒累其家。

何益也。夫王璉直陳治艦。且截北師。燕王原之不殺。而
速駕金川。蒲伏密款。他日襍論曹國公。謂包藏禍心。九
江即忠泣鬼神。義昭日月。百口不奪。夫誰信之。惜乎金
川遽開。使北平無仰攻環壁之勞。燕為饒得耳。

鄧愈

鄧愈字伯顏虹縣人父順具生三子長友隆中即愈也生有大志及長貌魁岸勇力絕人元末群盜起江淮間順與從鄉里少年入臨濠自保與元兵相拒順與戰死友隆代之亦死愈淩代之是時愈年十六衆頗少愈則出戰每先登無所不摧破衆乃喜曰恨不仲君早將乃憂劬敵會太祖駐師滁陽乙未愈自明略率部衆附授管軍總管渡江取太平從徐將軍逆拒元兵陳也先等出奇統敵後大破之從下建康略定漂水破鎮江功最多克廣德州擢廣興翼元帥守之元以長鎗軍通州城愈背城輕兵合戰俘

其總管武世榮、馘甲首千，移鎮宣州。別將兵取休寧、績溪，與胡大海合攻徽州，下之。元苗軍揚元帥完者以十萬衆來爭，愈與大海勵將卒分道逆戰，酋其大較吳宰等百五十八人，乘勝進逼婺源，破殺其守將鉄木兒不花，獲級三千餘，得兵亦如之。由昱嶺關進攻建德，破其長鎗元帥余子貞，獲馬百匹，追奔至淳安，復大破之，獲戰艦三十，卒三千。遂克建德，以為嚴州。進同僉行樞密院事。己亥，領兵略臨安，敗周帥于閉林寨，破元將苗陽之兵于烏龍嶺。進僉書行樞密院事。時天完宣慰于光怒陳友諒之弒其王，以饒州降，愈鎮饒州。饒濱彭蠡湖，與漢界，每破賊漢舟師于

城下辛丑進中書省參政食院如故。兼總各翼軍馬。愈乃廣布威德。撫納降附。漢左丞吳宏等皆自拔歸。以兵取浮梁走。其參政侯邦佐轉戰樂平。虜萬戶侯彭壽等請屬邑皆下。乃進規洪都。聞州人熊鼎有謀畧。延見與論事。遣降將吳宏過撫州。帥鄧克明詐遣人獻地。以緩我。愈詞得之用。鼎討率勁兵間道夜馳二百里。黎明下其三門。克明單騎出還。以縣印十八詣愈降。遂定撫州。號令嚴明。農市不易。民爭獻酒食。溫詞勞苦之。時漢丞相胡廷瑞以洪都降。召愈。上用步兵來會。改江西行省參政鎮之。故平章祝宗康泰快口不果降。且以愈秩卑不相下。宗泰方奉命從。

徐將軍蹙楚，每次女兒港，反為漢。還夜破洪都，新城門愈倉卒，從數十騎走。數與賊遇，從騎殺且盡，窘甚。連跨三馬，馬輒踣，幾不免。最後易養子馬，奪撫州門奔還建康。以情歸太祖。太祖弗罪也。右丞達兵復洪都，于是大都督文正開府洪都。愈副之。明年癸卯，漢友諒圍洪都，衆六十萬。戰艦高與城埒。文正約束將士，乘城守，愈得撫州門最衝，晝夜不解甲者三月。太祖以大兵來援，圍始解。友諒敗死，論功與克敵等。尋破平鄧青等二萬人于永豐，擒叛新淦。從問叅政，過春蕩，臨江之沙坑麻嶺十峒諸山寨，圍贛州。降熊天瑞。陞江西右丞。還討饒鼎臣于吉安。兵或不律，行掠。

判官潘樞入謁曰將軍奉揚天威而民不自保甚非仁人
弔伐之意愈大驚引罪進湖廣行省平章政事平章位次
丞相愈時二十有八兵興諸大將早貴無有如愈與李岐
陽者出鎮襄陽襄陽西接巴蜀北襟河洛南控楚烽火旌
壘相望太祖賜愈書且條法度施惠愛勿妄殺援古仁義
之將相勗勅降將張德山協愈而以都事王天錫參幕府
咸受面諭誠重之也愈披荆棘立軍府營屯練卒咸惠甚
著太祖為吳王初建御史臺首拜右御史大夫時左大夫
湯和討方國真愈領臺事上書言便宜特見嘉納大將軍
經畧中原愈以征戍將軍畧定江淮未附州郡進兵取元

唐州又取南陽。獲守將蔡國公史克新等。遂取隨州。守將
左丞王誠降。覆洪山之老馬劉寨。斬獲以萬計。敵地悉平。
戊申。太祖即位。立東宮。愈兼太子右諭德。以征鹵左副
將軍從大軍出隴右。大破王保仁于定西。悉覆其衆。別將
招諭河川土蕃大首何鎖南、普花兒只等請降。迤西烏思
藏等亦降。皆入貢。請受命。大論功。授開國輔運推誠宣力
武臣特進榮祿大夫、右柱國、衛國公。歲祿三千石。予世券五
年。壬子。以征南將軍討澧州等處溪洞蠻獠。悉平之。甲寅。
同鎮北邊。明年。練兵屯田陝西。丙辰。土蕃諸部為梗。剽
烏思藏貢使。改愈征西將軍。率都督同知沐英等往討之。

分兵為三道深入覆其巢窮追至崑崙山斬首捕鹵以萬計鹵馬牛羊二十餘萬捷聞召還至壽春得疾卒年四十一有一上聞訃哭之慟輟朝三日歎曰愈事朕二十二年歷鎮八州有功無過命朱夢疾為神道碑葬事皆官給追封寧河王謚武順侑享太廟愈為人沈毅詳敏其事上最恭順有所委不憚危苦屢受摧抑不怨功成不矜敬札賢士大夫上心重之前後托寄親舊莫敢望焉有五子而鎮羽林鎮撫襲封改國申六數將兵從大將軍有功卒年二十三弟銘為西安護衛指揮使征蛮卒子源當後鎮弟鉞旗手衛指揮使幼侍太子學頗狎時從蹴鞠露綉裳着靴

其上云紀綱所贈坐透漏宮情死女妃秦王源
樂元年為散騎舍人七年征胡有功還奉中子槿早世子
炳成化中乞嗣不許弘治中復為南京錦衣衛指揮使子
繼坤襲嘉靖初繼絕世封繼坤定遠侯勲階號祿視懷遠
侯

論曰兵興諸大將早貴無如衛國及李岐陽位次丞相
纔二十有八年十六從軍無勁敵歷鎮八州有功無過
親奮莫敢望獨南昌之役祝康鞅廷瑞言之寧河獨
不聞一礮而門閉顧拱手東子至其副大都督關門而
典六十萬爭不解甲八十五日又何勇也曰以太祖所

以善○用○寧○河○也○失○洪○都○不○問○乃○令○復○守○洪○都○即○豈○有○不○
固○六○王○獨○湯○襄○武○年○七○十○差○及○太○祖○次○徐○武○寧○五○十○有○
四○李○武○靖○四○十○有○六○沐○昭○靖○浮○武○靖○者○二○而○武○順○浮○常○
忠○武○者○一○至○建○文○之○日○故○將○零○落○文○皇○四○顧○躊○蹰○自○謂○
獨○絕○而○奈○何○不○上○金○川○門○哉○

誠○為○時○宗○何○不○上○金○川○門○塔
 志○為○法○一○空○聖○文○王○日○慈○祥○家○長○大○皇○四○尊○聖○德○自○歸
 四○季○所○敷○也○十○百○六○折○誰○敢○妄○為○龍○香○二○而○汝○地○宅○常
 圖○六○王○讓○與○東○海○子○十○美○足○太○時○大○林○海○寧○正○十○餘
 心○善○佩○宰○而○世○夫○知○濟○不○問○公○今○莫○不○共○濟○明○道○存○不

湯和

湯和字鼎臣，定遠人。少孤，卓越有奇志。常從羣兒嬉，輒勒習部伍，身為帥。擇一雄者為敵，分壘而角之，必勝乃已。及長，身長七尺餘，多力，工騎射，饒智畧。元至正辛卯，郭子興為濠帥，和送惡少年十餘人，仗劍從之。每出，跳盪當鋒，還則殿後。自百夫長，徙取九灣，再徙攻定遠，覆其帥，進千戶。而是時，太祖以郭所親重，請于郭，得和共事。徙取洪山寨，得其兵八百，長萬夫。復徙下滁州，為管軍總管。取和州。當是時，諸將皆太祖等夷，為滁陽貴客。部曲驕，莫肯下。和長于太祖三歲，獨恭謹執鞭從。太祖總兵和陽，奉檄未上坐。

和為推尊。輒先下拜。衆不敢不拜。元將陳也先來寇和州。和敗却之。從渡江。定太平。所部獲馬三百。卒千人也。先復寇太平。和擊其水軍。流矢中左臂。不退。轉戰至城北。大破之。擒也先。以獻。別將下溧水。丙申。從下建康。取鎮江。進統軍大元帥。守之。畧定金壇。覆窩莊。戍轉同僉樞密院事。從取常州。守之。與周士誠邊相持。和頗好飲。有酒過。嘗請事太祖。不獲。尤頗內愠。醉謂其下曰。吾填此如騎危。頽左。頽右。第吾可否。太祖聞之。隱不發。和酒醒。乃大愧。悔取江陰。捍周寇力。從攻無錫。凡獲戰艦及馬以千計。癸卯。從大將軍大破吳師。周復稱吳于錫山。走其將莫天祐。獲甲首五

百、還拜中書左丞、與大將軍分省而治。復從副將軍遇春、
解長興團、大破吳士信軍。越拜平章政事。乙巳、討平江西
巨盜西取永新、僂其在丞周安等、還守常州。丙午、從討士
誠、進略太湖、降其舊館帥湖州下。逼姑蘇、十閱月而吳平。
論功、賜帛九、有副。戊申、太祖即大位、為左御史大夫、立東
宮、為太子。左諭德時方國珍猶據溫、台、慶元三郡、和以兵
蹙之、走國珍海島、悉俘其衆。遣人持書諭之。國珍降。時陳
友定猶為元撫、八閩和乘勝以征、南將軍率諸將攻下建
寧、縛友定以歸。危帝幸汴梁、同宋國公勝取懷慶、澤、潞、晉
絳諸郡。復遣大將軍拔河中、渡河入潼關、趣鳳翔、越六盤

山秦隴皆蕩平。明年復從大將軍大破元擴廓于定西，遂定寧夏。追鹵于察罕腦兒，擒其猛將虎陳。九月，大封功臣。與衛國鄧愈俱為御史大夫，雖年位久在其上，以功不如，僅封中山侯。授開國輔運宣力武臣，榮祿大夫，柱國，歲祿千五百石。帝始露其守常州時醉中語，和頰首稱死罪。明年為征西大將軍，與副將軍廖永忠等舟師自夷陵入峽，攻夏，發兵扼險，不得進。詔責和逗留，而征鹵副將軍傅友德自秦隴深入，取漢中，永忠乃決計先入，破其扼險之師。長驅抵重慶，和始繼之。夏主明昇以重慶降，而友德亦定成都。蜀平，天子推功，友德永忠受上賞，因責數和，姑予之。

彩帛八。五年副大將軍達北討。分道擊鹵。戰斷頭山。敗績。失徹侯一人。久之。進濠州為中都。鳳陽府。和與太師李善長董建官闕。分置曹署。以久勞于外。數賜璽書慰勞。從鎮彰德。上以和用兵數失利。常諭之曰。軍中之事。難于執一。然推德必先。迎者迎為遠。之所贍示威。必先大者。大為小之所憑。欲人不違己。當使之以信。欲人成功。當任之以專。凡此皆汝所短。故告爾。和雖不任將。而堅忍多智。數能與太師善。長相抵牾。時委以綜理之任。輒効。又重念其為里閭長者。九年。與潁川侯傅友德延安防邊。元逋臣伯顏帖木兒來請和。進封信國公。加號推誠。位特進。階光祿勳。左

柱國左都督議軍國重事加祿至三千石。子世券。明年西
巡至河州。繕完城郭營舍。又明年從北伐。覆灰山營。獲其
平章刺里哥。十三年。巡四川永寧之壩濠。訓練其士馬。久
之。五開山獠亂。從楚王以兵討之。鹵斬三萬餘。時中山岐
陽二王皆已物故。上念天下無事。不欲諸大將屢典兵。和
乃從容為帝言。臣老矣。願得歸故鄉。為容棺之墟。以待骸
骨。帝大悅。立賜寶鈔五萬錠。治第于中都。尋悉為諸功臣
魏鄂曹宋穎涼諸國咸治第。皆極宏壯。既而倭盜海邊。故
方國珍從子鳴謙請沿海遮置衛所宿兵。四民籍其一。帝
謂和曰。卿雖老。強為朕一行。因與鳴謙偕。自登萊迄吳越。

成城五十有九。盡蕪州縣錢及沒入罪人貨物給用。工匠
往。過里丁壯多入民家。闕其墻垠塔序之石。及諸確磴。
擗諸城下。浙人謳曰。京困巨倉。公卒聊浪墻除確磴。公城
掘擗。客王文啓曰。浙人謫矣。奈何。和曰。吾聞成遠笑者。不
近量任大事者。不細謹。若以國之無備。及于戈。鋌蔓草延
竈下。蟲豸生井。白安所得確磴乎。復有謫者。老夫能手碎
之。不踰年。城成。稽軍次。定考格。立賞令。四民食一守之。新
第成。和陞。辭。賚賜甚渥。夫人胡亦預賜。魏曹等六公所未
有也。歲一朝京師。諸公侯或不時奉遣。獨和以老不在行。
其後入朝。忽中風。不能言。上幸其邸。撫視良久。遣還里。命

其女魯王妃歸寧侍疾。小間二十七年，復入朝。疾劇不能
興，帝手摩其體，與叙里閉，舊及艱難勞勩，知不能對，稽首
而已。帝為之雪涕，詔有司為營墓地。明年卒，年七十，追封
東甌王，謚襄武，侑享太廟。和沈毅質直，入聞國論，一語不
洩。臨敵果敢，或談古兵法，笑曰：「無為。」在臨機智識耳。家畜
妾媵百有餘，暮年悉貨遣之，賞賜多惠鄉黨。加憫故舊，精
于相地，凡省郡州縣多所改正。正德中，浙江御史英言和
守備精，沿海倭迄不敢犯，請立廟定海縣，詔從之。海上父
老往，指烽戍稱湯信國功不衰。五子：長昂，立功為都督
僉事，征雲南卒，追封信國世子。次輓，輓燮，皆前卒。少子體。

積功至同知左軍都督府征五開卒有孫十一人而弗及
嗣洪武中三孫已長一病偃次俱英偉皆不令卒六世孫
紹宗孝宗朝錄功臣後為南京錦衣衛指揮使嘉靖中繼
絕世封靈璧侯凡三歲卒再傳世隆嗣領漕事者十餘年
以勞加少保太子太保

論曰東甌論兵以為可盡廢古法辦臨機誠然哉顧所
向數失利獨以伺太祖喜怒密執鞭和州先諸將下拜
醉中語便不問也逗遛重慶敗績斷頭山六一概置之
無所累績遽進封信國蓋先事而迎帝沉毅二字帝所
久許寤寐中矣帝晚年厭兵遂有容棺之請稍不念韓

沐英子春晟昂等

沐英定遠人八歲喪母無所歸焉。皇太后撫軍中帝嘗曰是兒長吾世屏翰哉。童時厚重如成人。性溫爽機穎過人。與李岐陽俱冒國姓名文英。弟從子文正也。年十八侍帷幄。目無迂視。為帳前都尉。從守鎮江。甲辰擢廣武衛親軍指揮使。加授昭勇大將軍。洪武元年以所部從下延平。擒陳友定。閩平。滇今姓。駐建寧。節制邵武延平。三年擢鎮國將軍。僉大都督府事。明年進榮祿大夫都督同知。時都督不為階官。英特受異數。九年乘傳巡陝西諸路。事有不便者輒更置。後聞明年充征西副將軍。從衛國聲愈。總京畿兵。

馬征蕃州。西渡黃河。略烏思藏。耀兵至于崑崙。轉戰數千
里。俘士卒以萬計。馬駝牛羊十倍之。衛國道卒代部其衆。
還封西平侯。賜號開國輔運推誠宣力武臣。階仍榮祿大
夫。勲柱國。食祿二千五百石。子世券。又明年。拜征西將軍。
窮追西番。降元萬戶。迄失迦。及舒朶兒。只都烏都兒。三樞
密副使。卒二萬餘。雜畜二十餘萬。平朶甘。納兒七站。地數
千里。請置洮州衛。西兵戍之。還鎮關中。十三年。復率所部
蕩和林。轉略六集。乃渡黃河。登賀蘭。擒伏聽者。得穹廬所
止。涉流沙。分兵四翼。薄其營。而身率精騎抵中堅。大破之。
獲元太師國公脫火赤。知院愛足。覆其全部。還鎮關中。明

年以所部從大將軍出古北口襲公主山寨掩四部卒渡
瀟胸河獲元知院李宣等還京止何克征南右副將軍從
穎川侯傅友德討元孽梁王于雲南由辰沅遵陸路出羅
鬼攻普定普安循格孤山之南出奇兵襲畢節擊可渡河
皆下之元司徒達里麻阻曲靖英語友德請得以曲靖為
先聲兼程疾掩之適大霧軍盡壁白石江與敵咫尺霧霽敵
始知之驚則陽整衆若將渡者敵悉銳挽欲渡軍不果
渡而別一軍溯流暗渡出其陣後角舉山谷皆應更設旗
幟為疑兵達里麻益驚撤後軍應已渡軍水上軍心動陣
亂英蹙善泗數百人蒙盾當先既渡益勇敵退數里肆擊

之。蹀血震盪。時穎川永昌二侯更多縱鐵騎。橫貫而闌之。敵大潰。南達里麻。俘衆二萬。梁王聞之。棄去南走。沉滇海。死。時大理段氏猶為元守。英分一軍。夜間道登點蒼山。襲其背。質明。麾騎亂流。被羽先登。闕破。伏兵從後夾擊。擒守帥段世。拔大理。移兵取車里平緬。不決。月雲南郡邑悉平。復與穎川侯分道平叛蠻。立烏撒畢節二衛。已而夷兵復犯雲南。窘都督馮誠。英簡萬騎馳救之。賊夜遁。乘勝悉復。曲靖永昌之失守者。上以為能。詔英督鎮雲南。次第平廣南蠻。誅浪穹鶴慶劍川逋寇。特磨道去。二十一年。宣尉思倫以三十萬叛麓川。英所部止三萬。先使馮誠以三百人

鼓之奪其氣。明日賊悉衆突百象前。象皆披甲負戟。樓周若欄楯為蔽。挾大竹為筒。置短鎗十餘。飛刺。英分卒為三行。參差而陣。以火砲神箭更番進。而身立馬高岡觀戰。敵有昔刺者。徒聞我左隊小却。英令馳取隊將首。來隊將急奮貫敵軍。諸隊齊躡敵。呼聲震天地。象反走。大軍乘之。斬首三萬餘級。俘萬人。賊帥刁斯郎等皆伏。殪象皆明年。復平東川。走叛首阿資。召還朝。賜宴。上撫其背曰。乃使我高枕無南顧憂。歸鎮。復大破阿資衆。走之。使以兵威折脅八百國。并諸番。當是時。遂有重譯來貢者。屯田百萬二千餘畝。軍費以充。英在軍。初聞高皇后崩。哭踊三日不食。

二十五年，懿文皇太子薨，英故常侍東宮，有恩誼，哭嘔血。方坐堂皇，業事忽中風卒，年四十有八。軍民三日罷市，訃聞，帝為慟哭，輟朝，追封黔寧王，謚昭靖王。其三代侑享太廟，夷人勢面請于朝，尸祝之。英好禮士，撫卒較有恩，節目疎不肯為煩數，讀大學衍義而悅之，手不釋通鑑綱目，論事輒引為據。擇民秀及土官之子弟，皆令入學肄業，風以禮義。平居無所嗜，獨有馬癖，嘗曰：天用莫如龍，地用莫如馬。吾大將，當與之卧起，譬無暱友，何以為樂？妻馮氏妬，帝留之京師，而賜二女雲、南，即得二子。又沐府內使出見棄女子，道收養之。英後至內使家，一幸而娠，馮知之，重刑墮。

胎又閱月、復產一子、蓋孳生也。初名琮、英五子、春晟、昂、昞、昕、昺、登、卒。三子、逆鎮雲南。少子昕、尚太宗公主、為駙馬都尉、屢掌南京都督府事。春字景泰、初嘗從父出征、累功掌禁旅。十八年、例試後軍都督、帝曰、是兒不比他侯家、得實授、錄囚烈山、奏釋數百人、徃勸那海于蔚州、白其構逆、非真、釋數百人、後宋國勝出沙漠、降納哈出。二十五年、襲父爵鎮雲南、討降羅雄、法東、瞿能、平弄山諸酋。二十七年、遣平越嵩賈哈刺、立瀾浪衛鎮之、獲叛阿資于赤窩、寧遠州、接壤交趾、酋刁拜爛負固、討降之。久之、麓川刁幹、孟逐、其宣慰思倫、詔以征夷前將軍、搃川貴雲南兵、破誅刁幹。

孟歸倫卒于軍。春在鎮益墾田三十萬餘畝。佐餉三十一
年。病卒。年三十有六。謚惠襄。無子。弟晟嗣。晟字景茂。端懿
寡言笑。讀書強記。南寇僉浚軍都督。進左都督。嗣侯代鎮。
時岷王之國雲南。與晟交惡。上遣畫王晟少孤。不練事。念
其父勿深望。吾當別飭晟。然卒以王他故。徙國楚。晟自如。
及建文帝自焚。傳聞出走。朝廷疑匿晟所使。詔之。久無
狀。時麓川宣慰使復不能制其下。諸蠻逐之。擅其地。晟部
重兵討平之。分其地為孟養木邦。孟密。三府。鎮沅。威遠。二
州。及五長官司。而歲徵其貢稅。又于潞江之西。置騰衝千
戶。所以控之。久之。八百國之長。復為不靖。晟令別將縱擊。

而自恃其後。師次蒙自。敵退走。追獲其帥。歸永樂四年。詔朱能為征夷大將軍。晟為左副將軍。征安南反者黎季犛。晟由蒙自經野蒲。斬木通道以入。時征夷將軍能卒軍中。新城侯右副將軍張輔代之。晟與合兵。破多邦城。尋搗其東西二都。卒擒季犛并其子胡查。遂郡縣其地。事在張輔傳。論功。賜晟號顯忠輔運。推誠宣力武臣。階特進。榮祿大夫。勲右柱國。封黔國公。歲祿三千石。子世券。已交人簡定。反化州。偽稱日南王。以晟兼征夷將軍討之。戰于生厥江。敗績。定遂自稱為上皇。立陳季擴為大越皇帝。改元興慶。詔英國張輔充征南副將軍。合黔國晟破獲定等。送京師。

伏誅而季擴等尚矯命改元重光晟速戰不即下復與輔
並出獲罪人以歸尋撫富州叛酋降之仁宗立加太傅宣
德元年安南再反晟會安遠侯柳升合擊升戰死晟兵亦
退廷臣劾晟失律帝但馳章示之正統中蠻寇逆族遺弟
都督昂討平之三年麓川思任復叛晟率兵討之斬首三
千餘級以瘴癘不能進師退金齒都督方政輕進敗沒晟
坐不救遣使詰問晟內慙懼還至楚雄自鴆死追封定遠
王謚忠敬南人懾晟父子威信無異人主每片紙下其威
儀出郭迎盟而後啓之曰共令旨也晟置圃墾田業三百
六十曰吾日食其一可以卒歲珍貝敵天府後庭曳羅綺

數百人。關奴亦數十百。善事中貴。通遺執政不絕。然頗能
簡制其下。意不以滿獲罪。子斌尚幼。弟昂代鎮。與定西伯
蔣貴。湊合定麓川。遷左都督。卒。贈定西伯。謚武襄。而斌嗣。
公十一年。屢建撫定功。卒。贈太傅。謚榮康。子琮。幼。不克嗣。
從兄璘代鎮。卒。弟瓚復代鎮。然後琮始嗣。公琮字廷共。尋
甸廣西土官。互賊殺擒其倡亂者。銓流官治之。撫孟叅。討
叛酋帥五莽丘等。擒之。工詞賦。取下寬簡。卒。謚武僖。無子。
以都督同知瓚之孫崑嗣。朝議崑為西平侯。後當從侯爵。
而守臣爭之。謂南人知有黔國。不知有西平也。侯之恐為
所輕。崑年十四。拜公爵。常發兵平灶山竹箭蠻。論定孟叅。

孟密之爭寨者。又合川貴二鎮兵卒未魯亂。再擒崇州賊
張長受。南安亂首那代。三賜璽書。獎諭益祿百石。卒謚莊
襄。子勳嗣。卒。子朝輔嗣。卒。有二子。殤弟朝弼當嗣。虐其嫂
且錮之。致廷訐。久之。襲印坐淫虐削爵。以子昌祚嗣。朝弼
復欲殺其子。逮錮南京。之故第幽死。萬曆中。昌祚出。以僉
事楊寅秋不避道責故事。督其輿人。交訟于朝。上議沐氏
擅革其鎮守。而以子勳都督僉事代。父子交惡。昌祚出游
于外。久之。勳卒。昌祚復鎮。崇禎末。在鎮。沐天波為土司。沙
定洲所襲。天波走迤西。偽西孫可望時。已陷貴州。詭稱援
師。曩程屠交水。曲靖。定洲解楚。椎之。圖奔阿迷州。遇可望。

蛇花口大敗。復奔。俾草龜。李定國。天波乃依可望內附。後可望叛。攻雲南。其党王尚禮謀內應。為天波所覺。不得發。丙申。定國護桂主入雲南。可望北歸。己亥。雲南敗。隨駕。棲緬。辛丑。冬。緬殺天波。而沐氏廢。

論曰。沐氏至晟。始封黔國公。然則英以西平侯。輒贈王創制也。八歲。馬皇后撫軍中。太祖已知其能。屏翰且世哉。君擇臣。父知子。灼髻髻矣。西平與岐陽。咸能文岐陽。講明性理。西平不釋綱目。初蒙賜姓。時不過軍餘。句讀乃克。審大義如此。哭東宮。嘔血且死。其擗篤兄弟之義。欽六王中。再傳。中山開平。以節見。而沐氏三子皆以功。

著同是効。死于燕中山之增壽。與西平之景茂。順逆之
故不可同日而語。嗟乎。亦以其時也。威令行。片紙郭迎。
盪而後啓。頗似震主。然非此不足服南人。以是除中山。
又世皆中衰。而沐氏獨炳烈。近三百年。至天波而絕。雖
然尊而能謙。所以長有其貴也。西平之恭順。固克善其
爽。柔也哉。棄女李生。名琮。而英魯孫亦名琮。豈前有此
名而犯複。當有訛。俟攷。

此下世世也。棄女李生。名琮。而英魯孫亦名琮。豈前有此
名而犯複。當有訛。俟攷。

馮勝國用

馮國勝更名宇異。最後名勝。定遠人。漢馮異之後。父文質。三子。長國用。季勝。皆驍勇。饒智畧。射百步命中。國用貌都雅。勝長身巨麗。性聚磊落。生時黑氣滿舍。若煙霧。經日不散。里中異之。淮南起兵。兄弟聚衆。立砦自固。太祖畧地至妙山。國用儒服詣門曰。書生上六字。太祖坐。國用上坐。詔受教。國用曰。有德昌。有勢強。明公無意乎。建康龍璠席踞。帝王都會。其帥儒不任。急取之。可以強而不強。然後命將出師。掃群寇。倡仁義。以拯水火。可以昌而不昌。太祖曰。敬諾。於是按衆來歸。太祖見勝。尤愛異之。兄弟俱侍心膂。預

進止機宜。當李善長。有所攻戰。則又探甲前。三汊河之
後。國用手執其帥。從渡江。破擒元陳也。先太祖赦也。先典
之盟。擲血而嘔。國用曰。其人必叛也。先果行刺。不克。走死。
兄子北先。復擁眾據方山。與中丞蠻子海牙分。水陸伺我。
國用從破海牙。降兆先。盡有其眾。太祖以中五百人為宿
衛。獨國用與滕。累甲侍帳中。太祖即以屬國用。滕將之。攻
金陵。先登。從取鎮江。寧國。定泰興。宜興。俱進大元帥。太祖
為吳國公。擢國用。帳前親軍。都指揮使。專侍謀議。從征金
華。進平紹興。功最多。屬疾卒。子誠尚幼。滕代為都指揮使。
禦漢友諒。龍灣。滕率宿衛直搗其中堅。大破之。再從拔江。

州走友諒武昌。受劉基指畫。取南康。轉都護。從救安豐。擊
金斗。遷同知樞密院事。從克廬州。走元將左君弼。移定江
西諸郡。合兵下淮東。常代大將軍達。圍高郵。吳將俞中偽
降。約曰。排女牆為驗。勝墮其計。失受降十人。太祖召而撻
之。使徒步。至軍。自贖。勝慚憤。一鼓下高郵。從破吳興。進圍
平江。下之。論功。次平章。遇春進銀青榮祿大夫。右都督。尋
從大將軍北討。太祖即位。立皇太子。領右詹事。俄坐小法。
奪一官。為都督同知。總諸衛兵。取樂安。別部兵。溯黃河。會
取汴。梁河南二郡。西拔潼關。守之。復西下華州。旋師。謁上
於汴。拜征鹵右副將軍。守汴。尋從大將軍下山西。踰太行。

取澤潞轉戰平陽敗其左丞田保、徐伯昌于絳州獲之。制詔左副將軍居遇春下湯和次之。楊璟又次之。渡河取鳳翔李思齊走臨洮兵逼臨洮降之。還遣大將軍圍慶陽。執叛將張良臣全陝悉平。前是上遙諭達大軍已下慶陽。右副將軍勝權鎮之。節制諸路兵馬。大將軍達偏將軍和還京議功賞勝不奉詔遲達五十餘日亦輒詣上。切責之以勝功高不付吏。至寔賞減金幣半已復為右都督。再以右副將軍同大將軍出搵定西大破王保。自秦州南出一百八渡徇畧陽擒元平章蔡琳入沔州。又遣別將由鳳翔入連雲棧合攻興元克之。蜀地大震。征哨極于西北。

論功授開國輔運推誠宣力武臣特進崇祿大夫右柱國
同叅軍國事封宋國公食祿三千石賜券誥并追贈兄國
用郢國公弘光初追謚武翼明年勝按陝西又明年大蕩
兵三路出搵鹵勝以征西將軍率五萬騎由西路出金蘭
分其勢勝至蘭州遣傳將軍友德以驍騎五千為前鋒連
戰皆捷取甘州移西涼敗元將失刺罕又拔肅州元平章
不花戰死降太尉瑣納兒等至瓜州進亦集乃略降其守
將小顏帖木兒次別力篤山岐王朶兒只班走獲其平章
張加奴等及馬駝牛羊十餘萬時大將軍達兵不利右副
將軍文忠所得失相當獨勝以捷聞而有言其匿鹵橐駝

馬者賞不行。自是連以將軍印。練兵臨清北平。繼往大同。討元殘寇。散不剌等。還鎮陝西。改河南。冊其女為周王攝妃。尋以征鹵左副將軍。練兵河南。時元丞相納哈出。數伺遼東為患。紉哈出者。木華黎裔孫也。初以萬戶守太平。太平下。獲而遣之。元亡。猶據金山。榆林。峯鵝莊。及龍安。一禿河人。衆背重。雄于元主。二十年春。以勝為征鹵大將軍。傅友德。藍玉。左右副之。總師三十萬。討納哈出。踰金山。降其將觀童。先是。上遣納哈出。故部乃刺吾奉璽書。諭降。未至。而藍玉以輕騎襲殺其平章。朶來于慶州。納哈出遂恚。出松亭。全師壓金山。至是始見。乃刺吾驚。而乃無恙乎。以不復。

得相見矣。乃刺吾頗為述上恩德。且逼勝大兵。納哈出度
不散。嘆曰：天不與我有功衆我。遂因乃刺吾請降。勝使藍
玉以輕兵往受之。納哈出領數百騎詣玉。約降。玉為置酒。
酒酣。納哈出別酌所攜酌玉。玉讓納哈出。輒先飲。復酌酌
玉。玉解衣之。曰：請服。以後飲。納哈出亦讓。弗肯衣。玉亦
持弗飲。久之。納哈出取酒澆地。願其下語。咄。鄭國公茂
者。勝子壻也。其部將趙指揮解胡語。謂茂且欲遁矣。茂
據前搏之。納哈出驚起。欲就馬。茂拔佩刀走斫之。傷不得
去。都督耿忠遂以兵擁納哈出。馳見勝。其將士妻子凡十
餘萬在松花河者。聞而驚潰。諸親信奮來追。勝遣降將觀

童善諭之。皆降。凡所部二十餘萬。牛馬驢駝車服至百餘里。獨納哈出二從子。驚不肯降。勝為折矢信之。尋亦與納哈出偕至。勝禮款深渥。至令耿忠與同飲食。遣使奏捷。歸罪鄭國公。因械茂至京。而盡將其衆南行。使濮英三千騎為殿。上使諭勝等。凡降者。隨水草便安插。勝令母掠胡馬。掠胡馬斬。而身自犯。此令至多。或使閹者行酒于納哈。出妻求大珠異寶。胡中王子死。方二日。強娶其女。于是降喪益恨。邀我漢將軍返去。英不屈死。茂至京。亦自陳。所以搏納哈出故。且許勝過。上乃收勝大將軍印。命歸鳳陽里第。奉朝請。而諸將士亦無封賞者。茂削爵安置龍川。自是

勝無大將兵。二十五年，加太子太師。時勲臣望重者八人，勝仍居第三。勝子諒與家奴同謀殺人，囑縣官勿舉。事覺，上論勝家奴如律，特免諒死。因諭勝曰：天道以有餘補不足，人反其道，乃以不足奉有餘。嗚呼！禍福之來，皆人自致。朕念卿昆弟相從開國有功，且聯姻親，不忍不為卿言。二十八年，勝家居，僮僕倚勢橫攔稅輜重，乘載勝獲稻打場，瘞甌塲下，碾碌礮其上，取其有鞞鞞聲，出入騎善馬，常與樊父戲，而致交訟。樊父遂發其居家所為，若曰：塲下瘞兵器云。會有以小隙惡勝于上前者，稱勝仰觀乾象，頗有不樂之色。上曰：彼且為不執耶？勝酒曰：朕不問勝，歸遂死。

勝為偏將時。勇悍善戰。及為大將軍。稍廢紀律。金山之後。有大功。上顧不悅。卒之日。贈卹不及。諸子皆不得封。國用子誠。雲南戰功。官左都督。弘光初。追贈勝特進光祿大夫。左柱國。寧陵王。謚武壯。祔享功臣廟。肖像。時適邗國裔孫。攜勝遺像至。

論曰。國用上六字。有德昌。有勢彊。進止機宜。大要在此。宋景濂徒祖不嗜殺人四字。而未解弱後強之義。讀孟子未半部矣。宋公與兄邗國咸侍謀議最密。常制詔以將軍居。遇春下湯和次之。楊璟又次之。帝晚年。勲臣望重八人。勝猶居第三。未幾。乃遂入樊。父兵器之意。願金

山之役功最大而所以居功者未善。帝隱不忌則于其慶陽廢詔時罪莫大也。夫以全陝重任代大將軍達節制諸路軍馬且與勝國聯幕而處變隙不常勝不奉命遽還京倘慶陽伺釁再叛為半壁之憂不小。此時理宜付吏帝但切責誠欲存其鋒別用之如湯裒武醉中之言事久最淡乃發帝善用人大率類此以是金山過小輒令歸第奉朝請而究以太孫仁柔不無烏畫子藏之慮偶借人言輸其前罪後世原勝以為罪無可坐帝意則曰久宜服軍政而遲至今也嗟乎他日燕之南飛宋穎涼即一在猶可以逆河上而瘞兵不發即奈何

傅友德

王弼
曹震

傅友德，宿州人。曾避河患，徙穎之橫澗村。穎亂，復還宿。從
芝麻李，非其意也。擊刺騎射，冠絕一時。抵礪山，傭保。不理
子嫂，贅棗庄程氏，不得志。隣媪高氏勸之出走，從宋李喜
喜破山東，燒上都宮闕。李敗，歸夏明。王珍不能用，又從陳
友諒。協丁普，即共守小孤。太祖搗江州，友德以夢兆與普，即
共迎降。伴為別將，屢常遇春從，援安豐，掠廬州，還從戰鄱
陽湖。槳輕舫深入，身被數創，手殺數百人。徽擊涇江口，友
諒死。第功最，復從定陳理武昌。敵盛兵據高冠山為衛，嚴
不得上。太祖頌友德，則以萬人一鼓下之。流矢中頰，鏃出。

腦後。溲洞。勝不為沮。武昌平。授雄武衛指揮使。從大將軍
達下廬州。西取夷陵諸郡縣。破擒其將任亮。身被九創。還
師克吳泰州。進逼淮安。破其援兵于馬驢港。敗竹貞于安
豐。吳元年。太祖方有事浙西。而以友德守彭城。元王保
遣左丞李貳敗彭城。師次陵子村。友德計衆寡不敵。詎其
散掠時。突步騎二十。呂梁渡。單槩狙刺其驍騎韓乙。死。因
乘之。敵敗去。即度其益兵再來。還陣于野。臥槍開城門。以
待約。曰。聞鼓聲盡起。敵果盛兵至。疑不進。鼓發。士騰搏賊。
大敗之。擄李貳以歸。進江淮行省。叅政。召入。以麾蓋鼓吹
送歸第。中書叅議李飲水楊希聖携音伎一部樂之。飲米

等裸而醜。上聞之，默飲水。等而慰友德曰：「卿擐甲冒出，百死一生，便引醉，何害？」明年，大將軍北征，上所褒勉，不四五人。獨曰：「參政友德與右丞薛顥、勇畧冠諸軍，可授先鋒。」嘗一面從破汴州，斬王宣，下青州，連收山東、河南，進克元都。精騎偵邏，古北諸隘。從大將軍自真定進兵太原，王保、還援兵未交，萬騎突出，壓營而陣。友德帥死士五百衝却之。因合謀，直掩其營。王保棄軍走。復敗賀正哲于石州。逐竹貞至宣府，敗脫列伯。功最。復從大將軍西入關，走張思道，逼臨洮，降李思齊。大將軍圍慶陽，以驍騎扼其跳。慶陽下，關陝悉平。洪武三年，復從大將軍搗定西，大破王保。

保移兵伐蜀、領前鋒出秦州、奪畧陽關、擄其平章蔡琳、入
馮、分兵由鳳翔經連雲棧、合攻漢中、克之、以饋運不繼、還
軍西安、蜀將吳友仁兵大出、謀復漢中、急、友德猝以精騎
三千趨斗山寨、夜令人持十炬布斗山上、蜀兵疑援多、盡
驚遁、凱旋、大封功臣、授開國輔運推誠宣力武臣、榮祿大
夫、柱國、潁川侯、食祿千五百石、尋進同知大都督府事、四
年、議伐蜀、湯和廖永忠由瞿塘以舟師取重慶、友德為征
南副將軍、由秦隴以步騎趨成都、奉上密諭、馳集諸軍、揚
聲出金牛、而微覘階文守備單、自陳倉板援巖谷、兼行晝
夜、抵階州、走夏將丁世珍、城下為橋、渡白龍江、拔文州、進

拔綿州。令指揮僉事朱顯忠守文州。世珍盛兵陷文州。友德復取之。顯忠死。亂軍千戶王均諒被執。不屈。見殺。時漢水漲。伐巨木造百艦。渡軍。以木枅書克三州。日月順流。報瞿塘將士蜀人見之。震咋舌。圍漢州。其丞相戴壽。太尉吳友仁等分瞿塘守兵來援。則已破其守將。向大亨乘勢逆擊。大敗之。拔漢州。進圍成都。以强弩及火器破其象陣。象皆反走。兵躡藉。死無數。會征西副將軍永忠進追重慶。明昇降。壽等乃以成都降。分兵徇下州邑。執吳友仁。第功。友德第一。永忠次之。征西將軍不與焉。明年。副征西將軍勝由西路出金蘭。先率驍騎五千。趣西涼。至永昌。連敗其將。

失刺門朶兒只巴等獲馬牛羊十萬進畧甘肅手射殺平
章不花降太尉瑣納兒等至瓜沙州大捷獲金印三馬牛
羊二萬是時師出三道獨友德獲全勝而以將軍勝坐小
法不被賞踰年復為前鋒出塞酋聞絕漠徙去還軍填北
平上䟽言五事上褒允舉行之尋召還扈皇太子諸王講
武荆山下同中山侯和出備兵延安元伯穎帖木兒偽請
降上陽召和還以誘之而留友德為備敵果入寇大破擒
之上將取雲南命巡行川蜀撫金筑普定等諸土夷皆納
款酋乃兒不花寇邊副大將軍達出塞抵北黃河夜覆其
灰山寨十四年以友德為征南將軍率左副將軍藍玉右

副將軍沐英騎步三十萬討元雲南。上親餞龍江。受方畧以行。師次湖廣。分遣都督胡海、鄒英、陳桓等率兵五萬由四川永寧趨烏撒。以分其勢。而身率大軍由辰沅取貴州道。攻普定。克之。羅鬼、牂牁諸苗望風降。復攻下普安。進兵曲靖。梁王把匝剌瓦爾密遣其司徒達里麻拒戰白石江。用右副將軍英策陽為欲渡。而別從下流掩其背。夾擊之。鹵達里麻俘其衆以萬計。友德悉縱之歸。農歡聲聞遠。逆曲靖平。乃身率衆擣烏撒。以應胡都督。而令藍將軍直趨雲南。梁王走死。雲南下方城烏撒蠻大至。友德故持重。不戰以老之。忽鼓士騰奮。大破其衆。城下得七里關。以通畢

節克可渡河。于是東川烏蒙芒部皆降。進兵至大理。元宣尉使段世敵書請如唐宋故事。領王印一顆。大統曆一本。律令一部。比年小貢。三年大貢。友德不許。世再上書曰。善聞危如登山。大理險倍投海。漢武習戰。僅置益州。元祖親征。梁王分土。自古平天下易。平雲南難。友德大怒。與右副將軍英斬關入。大破擒之。分兵取霍慶。略麗江。破石門。下金齒。車里。摩些。和泥。平緬。悉降。敵梁王眷屬及威順王子伯七于京都。凡三百餘人。頃之。烏撒諸蠻復叛。會右副將軍英進擊。而使指揮顧成搗西堡。破之。斬首三萬餘。獲馬牛羊十餘萬。縱兵搜山谷。無脫者。靄翠者最强。亦降雲南。

悉。平。上。前。後。下。圖。書。凡。數。十。懸。斷。萬。里。外。曲。中。友。德。等。奉。行。無。所。闕。以。是。功。成。十。六。年。元。普。顏。篤。先。不。花。據。鄧。州。復。叛。友。德。自。七。里。關。回。軍。大。理。平。之。攻。北。勝。麗。江。前。後。斬。首。萬。三。千。餘。級。因。土。俗。定。租。賦。興。學。校。瘞。戰。骨。廣。屯。田。設。寘。諸。司。事。大。定。詔。友。德。等。還。京。獨。留。右。副。將。軍。英。填。之。進。封。友。德。穎。國。公。食。祿。歲。三。千。石。予。誥。及。世。券。加。賜。米。千。五。百。石。追。封。三。代。曾。祖。守。善。祖。安。父。榮。皆。公。爵。友。德。隨。以。征。鹵。左。副。將。軍。同。大。將。軍。勝。北。襲。鹵。納。哈。出。于。金。山。盡。降。其。衆。大。將。軍。以。禮。召。歸。留。友。德。撫。降。鹵。尋。亦。召。還。討。平。廣。西。之。韃。靼。反。者。時。東。川。蠻。復。叛。以。征。南。將。軍。徃。討。之。并。討。越。州。

之叛酋阿資諸苗悉定。尋赴北平練卒。從燕王出古北口。襲元太尉乃兒不花。丞相任等降之。悉收其部落。踰黑山。至鎌子海。窮熊皮山而還。召歸賜還鄉。請懷遠田千畝。止之。友德慙而退。復往。以將軍出練兵備邊。及屯。公侯在事者悉聽節制。進兼太子太師。當李善長賜死。後上親撰勲臣榜。于友德名下。歷數其功。一云有初謀善戰。又云取荆楚吳越。下中原。見其能。又云下滇蜀。征金山。建功列十五人之中。或云京國藍玉誅。友德以功名內。煇定遠侯王弼謂友德。上春秋高。行旦夕。盡我輩矣。上聞之。會慶成宴。次子讓時為金吾所鎮。撫不佩囊。上以為慢封。

劄賜友德。友德拜受詔。即使者前斬之。使者以聞。上說曰。無術我子友德。懼自剄朝門外。二十七年十一月也。後弼亦以事賜死。至和光中。追贈濠國公。謚武威。上怒友德不解分。獲家屬極邊。長子讓官鎮撫。次子孝。錦衣。三子忠。尚壽春公主。浚。和治六年。晉王以友德玄孫瑛請。比例授錦衣。以奉先祀。謂友德嘗有女為晉王妃。瑛隨親看守坟墓。不許。詔不許。嘉靖元年。雲南巡撫奏。潁國公友德。宣德侯。金朝興。汝南侯梅思祖。皆雲南開疆之臣。請五祠合祭。詔許之。和光中。追贈友德。特進光祿大夫。左柱國。鹿江王。謚武靖。附享功臣廟。以意測其像云。當時隨征。定蜀。景川侯。

曹震治永寧江。下瀘州。難磧百十。有功蜀人。至今並祠之。
或曰。崇禎中。總督傅宗龍治賊。陣死項城。為麗江之後。宗
龍自有傳。

論曰。穎國身先陷陣。多創傷。而智計每出意外。且奉行
廟算。委合無失。其所以居功較宗國恭遜為多。至其
議平荆。平蜀。平鹵。皆道大將軍一籌。寔錄尊稱上畫。而
廟碑云。自穎國奏議。大滇。蜀。大塊。拱手。歸職。方共何等
功。乃不免。王定遠之一言哉。子讓。預慶成。不被囊。何便
賜劍。而以啣我為辭。皇太子得孺子教我之一言。輒憐且死。
何況功臣。穎國自引深慮不測。然帝意或不即死。穎國

或曰友德庶幾中山中山讓第而穎國請曰矣請曰
法不至死也寔錄書賜友德第鳳陽繼書友德率科臣
李清嘗為友德逸傳辨七首袖中之訛遂授賜第閉門
致飢以死以為與寔錄相近夫無辭而輒坐殊勲以臺
城故事詭法任詐名曰非刑豈聖朝而出於此帝晚年
性煩急為後慮繩世爵以禮過甚穎國自裁或有然也
世廟中遼東御史鑰雲南給事中良弼為友德後
考非真有後或自瑛而宗龍祖瑛不可知

卷之六

...

...

...

...

...

...

...

...

...